



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. CXXVII. De Fratre Theodorico Magistro Pruschiae VIII.

urn:nbn:de:hbz:466:1-11850

CAP. CXXVI.

*De**Reædificatione castri Brandenburg
& laudabili vita cujusdam fratris
ibidem.*

MArchio de Brandenburg intelligens, quod castrum per eum ædificatum esset à Pruthenis destructum, turbatus est, & collecto iterum magno exercitu rediit Pruschiam, & de Magistri & fratrum consilio ad eundem locum castrum aliud ejusdem nominis instauravit. In hoc castro fuit quidam frater Hermannus de Lichtenburg Nobilis, qui præter alias castigationes & abstinentias quibus se afflixit continuè circa corpus suum nudum loricâ pro camisia utebatur. Undè accidit quod super indutis aliis armis, dum ad bellum proficiscens impetuose se haberet sicut in tali negotio est consuetum, in tantum caro ejus corrosa fuit, ac si fuisset scorpionibus cæsa. Pro quo dum frater Petrus Sacerdos confessor ipsius eum redargueret, asserens quod tempore belli deberet loricam deponere, propter armorum gravedinem aliorum: Respondit, quod nulla necessitas ad hoc eum posset artare, quod vivus eam posset deponere. Sed in ipsa nocte sequenti apparuit ei B. Virgo Maria, quæ tactu placidæ manus suæ ipsum sanavit, sic quod dum eum frater Petrus prædictus iterum videret, nulla corruptionis alicujus in cute ipsius macula comparebat.

CAP. CXXVII.

*De**Fratre Theodorico Magistro Pruschia VIII.*

Fra

*Hanno de Sangerhausen VII. Mag. Gen. Ord. Teuton.
Theodoricus de Gattersleben VIII. Mag. Prov. in Prussia.*

Frater (a) Theodoricus de Gattersleben. Magister terræ Pruschiæ octavus præfuit (b) VI. annis. Anno Domini MCCLXXI. Hoc tempore fuit & Marschalcus, Frater Conradus de Tierberg Senior.

ANIMADVERSIONES.

- (a) Hunc Magistrum ab Hartmanno de Heldrungen fuisse in Prussiam missum dicit Auctor Chronici Latine scripti sub Friderico Magistro Pruschiæ.
(b) Auctor Chronici Germanici in 4. habet 8. annos. Sed ex collatione Historiæ apparet, non posse huic Magistro plures quam sex annos assignari. *Vide que diximus ad cap. 129.*

CAP. CXXVIII.

De

Vastatione terræ Nattangia per Dominum Theodoricum Marchionem

Misnensem.

Anno Domini MCCLXXII. dum videns videret Dominus afflictionem populi sui in Pruschiæ & jam venisset plenitudo temporis in quo sui voluit misereri, Dominus Theodoricus Marchio, Misnensis filius Illustris Principis Domini Henrici, de quo in bello Pomezanorum (a) superius est præmissum, venit ad terram Pruschiæ cum multitudine pugnatorum & dum assumptis sibi Magistro & fratribus hostes vellet aggredi, invenit propugnaculum in tractu terræ Nattangia firmatum multis armigeris, qui ingressum dicto Principi prohibebant.

Ff

Sed